

養素堂詩集

養素堂詩集卷五

卷威張

溱中集

甲子

甲子歲上元日雪至十九日霽

梁山魑思莫迢迢大雪關門坐紫縵絳藥飛來親壽盃瑤簪折  
就旅魂銷幸無蜀犬蒼黃吠每有良朋暖熱邀

是日張雲樵  
同年招飲

歌

扇幾曾翻火樹春風回舞上梅梢

溱上旌旂卷未曾征兒鐵甲冷如冰呼聲僅可驚鵝鴨墮指誰  
爲冒繳繒玉馬和門時隱見赤狐白晝自飛騰天寧有助崑崙  
會一戰成功五夜鐙

拂衷歸來鶴擎披門扉一尺也稱師

余應溱南  
講席之聘

未能高臥煩賢

令且自長歌效郢兒東郭先生衣久敝梁園司馬賤偏遲屨塵  
霏玉尋常事莫道秋蟬總不知

長鑣手把鉏黃獨養得容顏似玉芙蓉豈不妨輸太尉冰衙未  
可傲迂儒披髮坐釣寒江艇埋剝叅禪大野狐何似梅萼和雪  
嚼盪芻雲海任狂呼

馬嵬驛

雀頭履失繫羅衣紅雨桃花又亂飛鸚鵡慘唳禪室蘭金錢錯  
洗祿兒肥可能膠續長生夢應念鈴淋蜀道暄白土一堆悲悶  
豔何如青冢葬明妃

扶風有端正樹唐明皇發馬嵬見石楠花思楊妃而名也

不知燕沒何年矣過此憶之

鳳軟曾停博望西  
葳蕤佳樹夕陽低  
芳魂已冷梨花月  
香荔猶勞驛馬蹏  
紅豆相思縈旅夢  
青鸞何日寄緘題  
榮枯一似關人事  
太上槐摧滿目悽

興平縣志明皇幸蜀至馬嵬手植槐焉及肅宗卽位鑿與返京見之曰此太上槐也

俗謠爲太上老君槐

經老功上五丈原

牙璋拜領建興春  
原上貔貅四月停  
荒壘東流清渭水  
大軍西落赤芒星  
陰平伯約摧雄志  
充國譙周享久齡  
天意未教舊都復  
空將八陳寄神靈

岐山縣道上

簪我官黔筑霧霖苦天漏開簾迎羲鶴欄際已飛溜造閭造山  
椒晞髮弄日就道旁蹲獼猴臂負麝藥聲兜離語莫曉僕鑒衣  
殊陋乖崖叢荒花怒咲飲恠獸含睇山之鬼訓狐唬白晝礙眸  
不忍窺西京攄懷舊投簪高揖去緹室葭灰候三春暉雖報寸  
心冀在疚無已耕我舌救水上親壽輿中方醬省白雲遠山逗  
方罍抽宿麥風日弄清秀吹我瘴衣裝腥膩不聞臭照我蠻顏  
色黴黧不嫌瘰歷歷相來路驚波駭戾颺神氣久懔懔幸無蛾  
賊進欣遇方叔來時方葆巖師撫陝并塗驅妖寇窮民復井田戰士脫  
介冑威鳳聿來翔簫聲出山岫已矣平生事何慕被袞繡

寶雞縣路旁碑鏤張三丰得道處

簪於金筑膽遺影

貴州平越府西五里崖石上  
有三丰遺影相傳于此觀瀾

今向寶雞得鍊

臺風月不隨天地老山邊頑石是仙才

### 太白山

太白山高三百里宅占西南峯譎詭我時塗行放遠眸縹氣浮

青空濛裏安得飛車椒焉止天池散髮弄紅羽

赴瀝南經歷棧道輿中有述寄呈方葆巖

維甸

中丞師

豔陽桃李月肅鵲益梁天斷逕橋相續危峯后欲顛如何息機  
客又復踏嵐煙峽東濤聲壯松高日影穿塗從飛鳥度暝入散  
裘捐因念連雲棧奚來折柳輟功名輕墨綬衣食寄青氍解組  
熊谿邑歸帆楚澤船瀕危曾幸濟攸往孰能牽關輔豺狼靖雲

霄日月縣河流呈綠字嶠嶽壁青蓮占旅方貞僕爲師且少平  
傾囊無鼠璞倒篋有麟編以此遺髦俊豈其慕肉羶西京經術  
重北學性情全敢曰風從虎聊將雪喻蟬金心鎔大冶銀手斲  
弄賢收豕都來聽雕龍未臣妍忠臣尋李固奇士問張謇吾道  
薪難燼斯文脈以延

題草涼驛

戰後鄧亭冷劫灰征人到此暫盤徊渴傾山店茅柴酒愁見寒  
煙骷髏臺二月鶯花猶索莫三川盜賊尙喧呶書生空灑憂時  
淚寶劍懸齧吼迅雷

鳳縣道中

西去籃輿此暫停鵝黃酒好上旗亭江流激激搖空綠柳意婆  
娑失老青十載風塵殊未曉一扇書劍又飄歸何由得見纖纖  
手倩寫新題閣道銘

鳳州三絕手柳  
酒詩用其意

### 曉度鳳嶺

出關卽崇山望望殊駭恫蛇蟠奔鳥攏掠亂昨宵夢丁東響鐸  
聲奔峯人緩鞍轉瞬蹤影滅疑入虎狼洞予行人過沙石戛  
足痛僵僂負帟囊有似灌抱甕埃風西北來峭寒肌已中橙林  
森以密曖曖煙嵐凍嗟予久鞅掌黔山每馳綢到此心懍懍亦  
發阮公慟因風振塵纓虛想來儀鳳倚杵問蒼天設險毋乃瞽  
邇者弄潢池負嵎賊頗眾重閉須勇夫要不聞我控何如倩五

丁鑿開天宇空假我大鵬翼九霄恣飛狂

柴關嶺絕頂眺望

雄關直聳鬼工劖回首秦川淚漣衫斜谷千盤殘雪積陳倉一  
道夕陽銜頻經烽火空雞犬尙有寒松禿狄獬丞相荒祠煙霧  
鎖揮鞭又上画眉巖

沿江岸上桃花盛開

江上誰家小桃樹酣紅爛漫映征衣游魚戀影不知去乳燕銜  
花幾度歸多少落英付流水裴裊古道悵斜暉秦人迷路頗相  
問不是仙源莫叩扉

青桐驛

山入青橋列翠屏江聲不斷曉煙汀人家草草傍巖厰驛馬蕭蕭  
蕭絃石亭夾岸桃花紅雨落幾家柳絮綠雲停攜錢欲醉鵝黃  
酒何似湘南淥水醺

抵襄城之日天氣晴霽山閒景物雅可游目騁懷輿中得

詩二首

日色徹平沙山光鬱翠霞非煙坐柳葉如火小桃花犬吠唵詩  
客雞鳴賣酒家鄉人淳樸意不解樂春筇

清泉山竇響翠島竹林飛莎逕泥初溼蒔田草已肥不知春遠  
近但覺物芳菲我意百花塢誅茅結小扉

題徐九疇參軍鑑湖釣隱圖

鑑湖方塘水泚泚中有高人徐孺子  
筆林漁具載扁舟獨爾芒鉞釣赤鯉  
東海大魚豎龍鱗曷不全牯投巨綸  
竭來泛宅依一曲似慕當季賀季真  
手掣金鑰繫翠琯烹茶竹裏驚飛翮  
停橈聊爾檣坐楊膾鱸平江憶疇咎  
玉屏縣城外卽平江產鱸甚美君曾攝其象我亦抽簪問釣師  
江湖箸得徹人詩蘊上題衿大笑倒  
君昇余判蘊時期於蘊南相見竟驗相逢恍在蘆  
之漪乾坤浩蕩信鷗鳥蠻語學來殊  
了了身煙波舊釣徒乞君添我圖更  
好

蘆臺懷古

皇階厯木授赤帝寶符開三尺揮秦鏡  
千秋蠹蘆臺屨廊勞版築甃逕滿蒿萊  
憶晉沛公王深爲項氏猜沐猴仁亦婦  
汗馬戰

誰魁人傑謀猷効天心眷顧培圖書陳隄塞巴蜀定喧逐據  
教倉粟寧食府庫財金城瓴水建玉斗劍鋒咲約法淫刑去歌  
風猛士來中原羣鹿盡巨澤大蛇摧京索妖氛靖旌旆落照回  
暨儒幾敗事隆準信雄才天子尊傳警王孫續在垓河山盟帶  
厲星宿象奇肱竟驗獲麟夢遺聞羆狗哀黃圖縣四百丹微息  
塵埃戲駿埋秋草阿房冷劫灰至今尋逸蹟疇復念荒堆水經注  
水合褒水逕瀛廟堆下格磔嘒叢樹雲陽語曲隈每懷刀筆諫  
僉惜柏梁災繫我傷心者登臨此酌壘

雜詩三首

讀書期致用修綬成經綸勳猷坐汗竹膏澤被蒸民堪嘆佔畢

生焦傲舌舁唇人事難可齊聖賢有屈伸用之爲國幹不用爲  
席珍萬卷擬百城亦足娛其身

幽蘭淡無言良玉羞自獻長坂服鹽車安知驥臣善世嗤賈長  
頭乃是通經彥魏舒籌已辱毛遂錐孰薦由來上座賓周璞舛  
宋燕所以國士知報恩殉紫電

嚶嚶茂樹禽上下尋其耦鬱彼蕙蘭花結根同一畝古人重炯  
介糾德仗良友北海一代豪正平契最厚荀賈潁川彥並爲德  
公有匪欲偕光萼實賴發豐蔀素絲近朱藍傭客來杵臼吁嗟  
後世賢此道缺已久

董仲舒

雄譚精悍遇韓嬰夢裏蛟龍繁露成我到蝦蟆曾下馬更無耆  
舊說清明

翼勝

爲時羈縻亦何愚仕宦網羅真險塗最羨君賓清介士原來退  
隱學蜘蛛

趙岐

四十連珠實憤時一篇藍賦又旖旎荊州末坐逢賓顧可憶扳  
車賣餅兒

馬融

臺卿那肯到君家約氏清歌出絳紗曾說繡囊多智慧夢酣香

色一林花

盧植

窮經得似鄭康成  
戡破黃巾竟削名  
金盃犢車今在否  
軍都教授畢餘生

鄭孚

識字牛來角觸墻  
泥中女子誦詩章  
可憐氣絕袁軍日  
志墓碑文屬趙商

蔡邕

曾向人間號醉龍  
肩囊焦尾寄萍蹤  
魑來故栗都蕉萃  
阿叔門庭又塞蓬

董卓

君處乃存項羽刀刀閒刻字可生毛銅人十二洪鑪火敵得然  
臍晝夜膏

袁紹

度索仙人出此時君家枯骨欲何之可憐司隸馮方女不似甄  
妃過別枝

漢昭烈帝

劉郎竟亦懼夫人甘后依然妒下陳誰貢瑤英來坐側堪傷賣  
履種菁身

賤出南中自殖豐何須又鑄帳鉤銅劉巴曾有傳形策不似公

孫督鐵工

諸葛亮

儵然清夢見周公  
竟少流言感至忠  
底事灤書晉義作  
是眞名士大儒風

龐統

誰言君是半英雄  
竟有張存敢謂公  
落鳳坡前逢枉矢  
如何原上又秋風

曹操

稱帝稱王自主張  
孝廉今日竟披昌  
沛譙果有眞人出  
我欲投龜問單颺

曹植

八斗犀才壓眾英  
驪然喜見邯鄲生  
如何死後魚山夢  
作序文猶乞仲卿

王粲

問君底事好驢鳴  
玉佩朝儀定自卿  
知是建安能賂手  
還將經義駁康成

孫策

項羽威名信獬兒  
竿融干吉殺何疑  
大喬悲哭蘂堪出  
想像神亭擲戟時

孫權

六劍三刀氣吐虹仲謀兒子果英雄何爲憤掘并人墓都尉摸  
金效魏公

帳下廬兒笑鎖軍須髯紫色氣陵雲如何土塞張昭宅轉向鍾  
山祀子文

魯肅

死後爭墳塋伯陽生并指園是何腸我曾魯口尋荒壘樹影洲  
煙隱芒昌

皇象

善書名自並鍾繇甄紙春秋運采囊處士烏巾飛白妙可能痛  
棲筆如刀

韋昭

洞厯書成寶鼎年  
平生不幸似樓舡  
叩頭三百猶逢怒  
回憶烹茶倍惘然

虞翻

響癖空爲世取師  
嗟君耄老又書癡  
赭山曾上尋佳地  
蝦子眞能出鯉兒

樓舡

喪衷哀咽仲翔居  
君亦何辜見敕書  
想像山民焚掠日  
井中沈甌護吾廬

自厲

時過然後學勤苦功難成待求月光何如曉日明賈終年俱  
少名譽動公卿蘇白未四十龍鍾先自驚下帷有董相鑿壁聞  
匡衡揚鞭策蹇驚穩致千里程驗詩用自厲窗外來秋聲

食縮項鰻

曉市買魚回奚童笑口開筠籃尾戢戢何不出頭來碧眼疑生  
額半鱗幾上顚莫嫌齏腹大味美侑霜醅

溇臺用王文簡公韻

舊日沛亭長功名馬上看朝儀縣蕞禮賤曰竹皮冠炬冷咸陽  
土雲飛拜將壇阮亭先生以溇臺卽拜將壇非也壇今在城南三里高臺猶岌岌把酒瞰

江瀾

陸廣文玳召飲率賅酬之

不醉蘆竿幾月諸

點俗召客溫酒於罈置中庭以蘆筒啜之

多君召我麥黃初盤餐

詎信學官冷座客未將藥氣除

時陳頤庭同席

醉後歸來扶草馬鄒中

澆罷失河魚

忠瀉經時是日以過飲大痊

西州自有蒲桃味算到霜飛飲做

廬

溼南早秋

箭酒纔卿天溼伏驚心已是蓼風初丁年曾見坐芒屨亥日誰

投繯項魚擬就紫微鈔木序何來黃冶箸麟書

時鐫續點書苦無賞

一聲

鷓鴣悲芳草負負靈均卜所居

桂影宵空月影規流光應照故園籬怕聞蒲鏑驚歸夢賸有桃

笙冰瘦肌今古何人不秋賸江湖到處可彈棊  
年來意思多蕭落泣露那堪墮碧輝

天上故人賸五雲攤書我亦點皇墳  
安將燕弗投蘭地笑把吳鉤倚  
莫曛豈意博勞能相馬翻憐吳猛  
善驅蠹長安十二槐花陌別後秋風曲不聞

窗閒且自拆來禽細雨蕭蕭隔院  
砵一片秋聲堪鍊骨并宵月色尚關  
心懷人難致空中札掩鼻休聞洛下  
唵燕去疏欄鎮日靜獨游江岸看楓  
林

野望

杖策荒原上蒼茫野色橫風雲感義氣  
天地回秋聲落葉寒鴉

救虛弦病雁驚竭鱸有暝意鼓角起嚴城

秋晴昇陳頤庭

其菴

孝廉同坐

獵獵西風啟画簾秋山忽爾出峯尖霜鴻一叫雲天闊粉蝶雙  
飛露地黏豪飲君能醉犀首高其我欲對蚪髯相看日莫罇花  
碧斜月彎彎吐玉蟾

濯瀼堂望月有懷朱青如

淥水部

濯瀼堂弄月似弓鐵簫吹徹大江東觚棱有夢棲金爵格澤含  
芒耀玉蟲清漏三商明積水美人千里待晨風幾回苦憶唼蘭  
畹安得儵鱗微我衷

別濯南書院諸子

莫雨秋風滿蘆南  
歸歟聊爾駐驂  
諸君試道從戎事  
可有殘魚省管汴

聽山山上碧雲飛  
客子歸心戀日暉  
最畏無情江蘆水  
隨風不上六銖衣

襄城遇雨

細雨霏霏過路塵  
女郎碰下水粼粼  
何當策我黃芝馬  
谷口追尋鄭子真

咸陽

雙橋橋下水明沙  
爲問棄脂望落霞  
不見秦皇舊樓閣  
颭風起處內人斜

處內人斜

邠州四首

此地曾傳顓帝虛識女聞在白雞閣金彫可有先知識  
因壁梨

圭帶土鉏

事見車  
頻秦書

一朝古鼎出人間錫爾鸞旗字尚斑  
柯邑子孫蕭落盡尸臣魂

魄可來還

龍盤舊說在章丘狼乳還傳是此州  
不怪姜嫄誕彌月卻尋后

稷水之溝

有狼乳溝爲后  
稷棄後狼乳處

危城直壓美陽亭夜市風鐙鬼火青  
于役誰能少飢渴空搖石

佛僧嬰瓶

有石佛寺  
像甚壯巨

涇州懷古

太尉軍威震北陲唐家社稷恃安危至今惟有蕭關月不見蓬萊  
畫地時溼水泥黃畧約渡回峯柏碧金仙祠揮鞭重問屯營  
路夸父堆荆欲語誰

登回中山讀陶穀王母宮碑記

黃帝辛律何曾仙橋山宰木陵蒼煙小臣扶微弁左徹扳弓墮  
地徙虛傳周家穆滿誕以奇求得八駿荒域馳河宗獻寶春山  
下井公昇博帝臺基行矣崑侖見王母虎齒梯几蓬在首吹笙  
鼓簧歌白雲將子無死來毋後黃竹哀民大雪裏構兵乃有鵠  
倉子奔戎造父急回鑪不失天下亦幸耳茂陵劉郎胡爲者精  
禪等殿祈福嘏七夕正值靈匹辰雲馬森車紛紛下方黃靈藥

寵賜豐騎火已候甘泉宮輪臺下詔停五時雄心不復悲秋風  
汲冢書堙周王傳蘭臺亦紀漢帝編羨門高誓果安在秦皇從  
狩蓬萊邊我經此山凡五度今茲登陟紫庭步承旨文筆原清  
華土花剔盡尚可句我家太師鐸帥涇邠碑記開寶季戊辰厥  
後節度柴禹錫咸平戊戌鐫貞珉夢英小篆多舛訛比於二李  
難同科馮翊上官必重勒石此在天聖乙丑歲今之存者真巍哉讀罷  
仰天天不語烏雛虎豹嘯儻然世上若果有神仙玉京十賚當  
及予

回中宮觀降真樹

銅柯鐵幹不知名金母珠紉曾此駐九色斑麟嶺上停八瓊仙

曲枝下度霜皮黛色蝕消殘秦火漢兵經歷素無葉倚騎未見  
汗不花古度誰云蠹白雲薜落懸樊桐青鳥翻蜚飲玉露五夜  
仍疑環佩聞千季尚有戶欄護清哀山狄叫林端騷屑天風吹  
日莫我獨何爲心慨慷木猶如此壽堅固學仙之帝發慙容求  
福之人遵故步久立瑤池望函關題銘卻憶青牛樹西嶽廟有老子繫青牛樹田方千太守有詩極雄卓余曾作銘

紀夢

珠宮玉闕連金屋采雲明霞徹綺縠夾尻紫鳳間青鸞瑤草琪  
花飄郁馥滿堂美人粲可數妙舞珊珊五銖服鑿鑿一鳴響法  
嬰浩歌天上無愁曲就中一姝顏最少弁余目成笑何巧色授

魂弄飛清臚揚襪轉喉幽皓皓元霜絳雪落梅梁人閒不聞此  
幼眇精耀縹燭俯仰神湧心綽態風弄裊翩然忝立王母後拈  
帶不言似肯首王母尊嚴佩流黃戴勝蓬髮分左右紅錦十二  
列東廂我竊偷之衷諸手小鬟寒裝來欲取虹樓忽發蚪龍吼  
斧頭山卽黃帝登處

軒轅曾駐翠微巔應是空桐訪道年張若謫朋隨日馭神弓寶  
鼎貫星躔尚畱金液祁連上空憶鸞音溼渭邊蓬萊秦皇登亦  
得可能爲帝又爲仙

鎮羌營夜宿

弓月挂邊墻寒凝鐵在裝苑城老戍卒柝上擊飛霜

荏浪早行

北斗橫闌千巾車已在路殘夢搖恹惺樓烏定深樹月斜養女  
山霜沒鄭伯渡我何爲衝寒負星忝荒戍長嘯一拊膺鷗雞呢  
無數

荏浪道中

疎林曉色射征駒黃葉飄蕭半有無水漾龍文泉試攬亭畱馬  
跡石爲攀將軍戰骨埋荒冢指魯麟魯鑑學士風流沒草蕪謂黃衷  
裏青蛇餘膽氣丈夫豈合老泥塗

橐駝曲

偶出東郭見橐駝成羣昂首長鳴有乘涼遠征之概

而思之古人無專騷此物者因作騷賦曲十五首不覺  
辭費多用俗語爲之以存竹枝詞遺意云爾

西番異畜說騷駝不讀班書費揣摩恠狀奇形君莫笑麒麟  
肯把人馱

白草黃雲道路長何人不履負衣裝行經戈壁愁喉渴臥處偏  
知水脈涼

百里流沙起熱風先將口鼻擁沙中行人依樣爲防備免得委  
身荆棘叢

炎天酷日放青山纔到秋涼便搭班

土人相約起程謂之搭班

生箇駝兒仍

自負河南湖北走循環

朝暾未上忝如麻載去已菰卻換茶可笑燕都煤黑子倒騎駝  
背唱蓮花

草豆爲芻又食鹽鎮番人慣忝趨羣載來紙布茶棉貨卸到涇  
陽又肅甘

牽來江左賣瘡膏入夏楊然盡脫毛婦孺相驚馬腫背不知原  
是自然高

團鳴應是恨離羣遠近鐸聲先後聞雨過泥深防滑跌可憐鼻  
斲血紛紛

果然負重遠行麼送我良人返舊窩妾夢也隨千里月雞鳴時  
已到交河

拉倒纔騎怨友朋

俗以朋友欲絕交則曰騎駱駝蓋言拉倒也

燒刀喫了便呼兄曲

將軍沒客揮淚歎息未嘗一盤羹

良者相傳臥漏明四蹏風入想長征唐家置驛緣何事塞外軍

書達上京

駝峯紫厠談嘉珍近代烹調竟乏人我長常餐苜蓿客牛心果

否比猩脣

落毛工織號駝絨馬褐牛衣那復同憶我少時裝小裹溫溫恰

是被春風

切莫矜張善屬文亦駝佳諺定知閒生龍活虎誠難捉一縵毛

繩便困君

踏雲大馬古涼州我策疲驢返舊丘歌罷竹枝自傾瓌駝蹏鳥  
卵竟相伴

惜別曲贈家王谿

美如

孝廉

君舉比我求仕可能父母歌樂只我驪駒君惜別莫作兒女泣  
嗚咽丈夫相見會有期防身短劍蟠蛟螭意氣直欲陵蒼曦孰  
能坐守遠山猶在山泉水原可慕出山小草未爲誤魯恭卓茂  
果何人黔南有我甘棠樹君乎尚乃紆青袍有如鷹隼伏奇毛  
順風何日辭蓬蒿弄爾銜杯一洗萬古之牢騷

養素堂詩集卷六

荅威張澍介侯

入都詩集 乙丑

聖勝橋

允吾渡風蕭蕭浮埃如漲掩層霄不見十二朱欄橋橋上行人  
紛悻悻可憐都是遠役客弄者肩輿後者騎何如鄉里乘下澤  
我本閉關息機人胡爲亦駕雙輶輪家慶坐老阿衮寧馨登車  
徑去何能爲情側身西望發浩歎哀鳴桓鳥翔雲端亦有冢婦  
能鞠脰使我心側淚芑蘭欲爲農無田圃欲爲商無泉布飢來  
驅人水之溝塵土面目真堪羞大笑驚起橋底老村畱耽爾村  
畱慎勿怒我有金劍逐人刼如爾顛顛醜形乃爲魯般出

潼關

短髮禿風塵中原逸軌循  
雄關蹲虎豹小獻臥麒麟  
地湊雲連晉天低樹擁秦  
河聲吞嶽色桃野壓蒲津  
四扇門誰篴兩輪車自轡  
寄言守土吏毋得暴征人

渡黃河

萬古此奔流艤墟渺十洲  
自饒千里目不上一層樓  
禹迹龍門在羲圖龜宇畱  
乘舟波浩淼似泛月查游

孟縣謁韓文公祠用欽州馮魚山

敏昌

太史詩碑韻

吾道宣終沫斯文未可央  
先生河嶽秀季世鳳麟祥  
仁義悲荆棘功名笑霸王  
俗儒膠訓詁曲士泥辭章  
絕脈延姚姒卮言闢

老莊窮年恒兀兀墜緒恐茫茫汲古須修綬循今祇濫觴薪傳  
尋舊火牢補得亾羊反樸矯浮薄澆醺示表坊鴻裁舉典誥卓  
議掃粃糠賈董鍼時策嚴徐活國方禿顛函復爾毛穎傳奚妨  
帝女鐫碑燭神官辨角亢百家恣漁獵八代息蜩螗精銳雷霆  
響昭回日月光奇書接汲冢難字識凡將夢幻吞丹篆歌成續  
白狼盧楊弁輩讐混籍後來僵餘事詩尤健雄才性自剛立朝  
爭佛骨報主畜忠腸遂犯龍鱗怒難調竈火煬亟思除弊政竟  
爾貶潮陽馬踐藍關雪裘飛兮月霜咨程灋上吏感句嶺邊郎  
祈霽芙蓉出驅魚弩矢強譙譚延趙德姓氏慕韓芳法掾綠州  
使環恩仰憲皇終南仍鬱律河北正披昌奉詔趨庭湊馳車履

劍鉞先聲奸膽破萬眾甲兵殲淮蔡滋妖孽吳誠肆陸梁中丞  
行典午上相總牙璋猷社謀原老師貞陣亦堂隍鵝迷雪白城  
雉見雲黃聖德元和頌軍容凱奏颺如公眞乃勇好士更難忘  
寒痠聯郊島聳膏愛柳張英髦懣彝飾愚悃賴包荒大節高嵩  
岱慈懷濟病疴驂鸞情亦壯磨蠍命何傷世味艱虞飽天心洗  
伐長琴晉描昵昵蓮獄慟假假用沈  
勳將禹孟並人以斗山望梓里來瞻謁風微孰頡頏起衰膏繼  
晷拯溺氣爲航教術康熿正經畬翰墨香操觚追李杜立說邁  
荀揚吏部縣霄漢詞臣奠酒漿乾隆十五年遣內閣學士  
兼禮部侍郎鶴年致祭從知  
祧六藝不獨冠三唐

北河旅舍和壁間謁楊椒山先生墓韻

稜稜正氣肅朝端未是求名行所安拚得頭顱夫豈易去佗朋  
黨果然難風雲靜護豐碑蓋日月高縣佞草寒賴有吾鄉鄉御  
史老奸寄食墓閒看

周儀曹

秦元

席上弁王定九

鼎

學士晤語極摯愛之情賤

此志感

倚酒話平生秋風撲短檠雌雄鬻裏劍黑白眼中睛悔學屠龍  
技空懷鵲鶴情腐儒眞少用一笑此浮名

魏收自輕薄阮籍本疏狂賤子無奇骨先生有熱腸負鹽憐白  
蟻尾閭憎黃楊屢落飛騰意中宵視斗匡

久欲拋雞肋何心逐馬塵爲欣毛義檄卻老季鷹尊帖岷縈臚  
夢乾坤剩此身僭杯澆壘塊簾月正窺人

幸遇山公鑑知吾有小心風雷感鱗鬣臭味契苦岑得不循陵  
賤而從抱郝吟精神須自愛虛牝慎黃金

學士善醫席閒言減  
西成文學病狀謝用

警以自

終日

終日勞勞薄笨車官私舫間水中蠅欲爲混沌書眉目卻見骷  
髏長齒牙客燕賓鴻消歲月狐神鼠聖門喧譁早知公是癡  
狂  
佗去種青門五色瓜

螢火

點點飛來過短牆  
月等如水潑庭涼  
偶然飄至珠簾畔  
小扇羅衣撲夜光

乍明乍滅似因風  
纔到空中便絕蹤  
果是宵行幽畢照  
主人知爾有丹衷

聖駕東巡

盛京祇謁

祖陵禮成恭紀

上下平韻五言律三十首

寶系瑤編紀蘿圖  
日再中

發祥承昊謦

啟運擅明聰

養素堂詩集

卷六

四

列聖基堂構宏規宅鎬豐

皇心勤繼述達孝昇天通

右一

升聲昭郅治檢玉陋登封景祚三靈貺歡心萬國逢瓜絲延肇

祀燕翼慎禪宗無逸

宸楓纘璽希古燦蹤

右二

昌源自三江

帝業啟鴻厯

朱果天媛錫黃龍地脈麗

高山惟相宇肅慎此名邦式廓金城固無奢塵角雙

右三

涓吉

綸音布容臺列上儀

齋車鳴玉軼  
綦蓋綴金支  
七萃鉤陳肅  
千官劍佩馳  
遙瞻

穀林路清

蹕有風師

右四

傳警羣靈集  
岡巒燉曉暉  
珠軒來虎落

國語采珠戶謂之珠軒

戶室守龍

威津樹含煙  
密礎苗帶雨  
肥

皇情不忘豫  
瑞穀雀銜飛

右五

考牧凌河上  
蒲梢百萬餘  
房星臨析木  
海氣接醫閭  
幕撤黃雲

戍花開紫塞  
墟

天蘭龍十二  
大丙奉

養素堂詩集

卷六

五

安輿

右六

荀隱和鈴響藩王拜蹕塗八神環帟帳萬玉韞粉榆邁嶽周能  
頌巡河舜有圖從知

遵

祖訓不昷樂威呼

威呼漢語小船水行可載三人陸行可挾而趨右七

疊疊雄關道鸞旗拂采霓杳巖雲不族柳界草如萸父老瞻葩  
瑤河山靜鼓鼙

俯從望

幸意飛旂過句驪

今作巨流河左右卽遼東遼西所由分也右八

嶙峋尊北鎮縣宸禮無乖聃祭嬰毛薦禩祈吉玉埋英靈千禩

享風雨四時諧震盪敷天頌

懷柔福孔皆

右九

隧路

神榆茂

鴻基億載培

橋山陳劍舄

闕殿列尊罍王氣包峯嶂

戎功掃埽埃傾懷荒度烈廟館未宏開

右十

翠沓陵

天柱祥暉鶴玉塵鳧鏗蜚紫燄鸛矢畏黃神故隴耕多象

天衣典自鵲

胄祗藏

太祖甲盛京

蕭燿凝不徹又到蕭霜晨

右十

昭陵隆業峙寰海頌

神君版入盧龍塞妖擒涿鹿軍渾河都繞帶石馬欲陵雲久隔

鼎湖夢

雕弓挂夕曛

祗藏

太宗所御弓矢盛京右十二

開國周親賴經綸草昧屯東平拱楸樹西洛表松門金粟生碑  
宇光靈傍寢園椒漿兼桂酒灑奠駐

鸞軒

右十三

百戰功名壯孤忠奕禩丹旗常書伐績麥飯憶艱難飛虎感恩

奮山河比石盤司勳公論在配食九原歡

右十四

精意通蒼昊

陪京祀典嫺

紫壇浮翠靄

乾隆戊戌復修盛京郊壇

金版鬱等斑雉尾

錙宮列橈旃玉城環羣工齊敬敕咫尺是

天顏

右十五

九都蕃使至鞠膾拜紅旃納黼黻交闔下瞻

顏

饗殿并呼韓朝瀼曰額利服唐季荒徼

威棱檐

繁釐錫自

天

右十六

定鼎元正曰

神功紀短簫三曾堪耆定九部盡來朝太乙同旗纛黃靈懾鏡

梟

貞符知卜世泰紫閃雲霄

右十七

守祧司禮節掌祝卜神交

玉冊藏鏐櫃

松楸曳翠旂

孝熙真醞假

元德自鴻苞榮鏡延洪壽淳風邁有巢

右十八

等閑開翔鳳

宸居九陛高呼嵩  
撫綏愜近日沐

恩膏奏竹鳴雙鵲  
鏗鐘叶八璫

龍光今燕喜湛露及譽髦

右十九

瓊筵

行殿設旨酒上庖多匏豕  
鱸忠厚並蒿入詠歌  
南陽存故轡沛

里舞婆娑春意浮  
璫瑟時調玉燭和

右二十

丹鳳銜書至

殊恩蒞屋加官司  
名籍重錫予米牢  
賒泉布頒衡府謳歌和管

笳駢臻延喜瑞德產獻松花

右二十一

疊下寬租詔

深仁浹瀋陽桑麻勞婦子日月駐

羲皇野味牛魚膾新炊虎稻香歡呼看載道旌旆亦飛揚

右二

耆老皤皤髮宗潢濟濟英憲言東序乞育德上庠榮

增盛京郡縣學生

額鶴算扶鳩杖梧岡集鳳鳴

宗室鄉會試自嘉慶辛酉季始

化成光景緯佳氣

鬱

神京

右二  
十三

憶管師干偃崇儒立典型

文皇躬釋奠

孔子廟行釋奠禮  
太宗始建

祕閣富圖經

謂文淵閣

丹漆西行夢金絲東國靈

不謨坐久遠汗簡自今青

右二  
十四

龜貅屯萬帳校射羽林登雕落九天闊蟲飛百獸騰流星馳汗

赭明月對雲朔

攬轡秋原上

宸游在序能

右二  
十五

清問停鸞駕民風各服疇霞綳光日月

霞綳瀼語續鏡也蓬櫻  
爲幹搏糠和膏塗之然

以代

賽斐閣春秋

賽斐語匙也以  
木爲之長四寸許

童叟紛槃舞川原羃綵旂

容刀有瑤玉往事陋成周

右二  
十六

仁廟坐裳日虔懷報本心盧牟甄六幕

秋鵠卜三臨

煥功無極

精微道在欽  
冕醫歌

世德繼

軌念遙深

右二十七

追遠

高皇世

珠丘四駐驂

扶輪徵

聖孝

問寢想

慈甘

懶僂墜慕羣蒿肝蠶參

成規

遊十稔今日懿徽

右二十八

禮暨珠旗轉秋高瑞鸞添朔風吹画角邊月寫榆穠桑梓懷恭

敬衣冠衛肅嚴方神迎

翠葆呵護敢遲淹

右二十九

告至登

華殿羣僚拱絳繡卿雲坐綵仗甘露溼朝衫

通孝鉤鈴驗

隋書王者至孝則鉤鈴星出

靈符賜島銜金甌昭鞏固

景命萬年誠

右三十

聖駕東巡

盛京祇謁

祖陵禮成恭紀

七言律十二首有序代

嘉慶十年秋七月

皇帝時巡於東祇謁

祖陵纘舊服也

臣

伏念我

朝肇迹遼陽奄有區夏

聖聖相承肅將祀事我

皇上仰承

景貺俯協輿情

慶典光昭

鴻恩湛沛中外臣庶歡呼雷動所謂馨香無諛慝而

仁孝之義箸矣

臣某  
蒙被

恩渥獲隨羣僚拜蹈

丹陛下窺

天瞻

日莫罄形容竊惟聲律之化所以導揚

懿美坐示彝則

臣

謹依唐律七言述

列祖締構之基弁

皇上繼述之本質實敷陳不敢妄爲塗飾未傾萬一祇增慚汗

臣某  
謹稽首頓首以獻

朱果呈祥

帝系縣蕝蕤

世業紀瑤編

黃農日月開榮鏡遼瀋河山控樞邊五曜垂文歌紉縵九乾

茂對卜蟬媽

丕謨爽業遵無斁

宥密璇宮

寶籙延

右一

列祖威靈暢八荒

蘿圖鞏固廣苞桑

高山天作居

豐鎬

天輅時巡

感露霜

夙夜接述懷

世德

奠壻愾慕緬

神鄉原知萬國歡心合

肅薦

升香仰

聖皇

右二

謁吉春官列上儀

鸞旗狎獵拂金芝八神警

蹕黃精朗五老呈圖紫氣隨翠巘鳴鈴朝旭燉叢林飛旆露華

滋

天行信是羣靈護載路歡聲共祝

釐

右三

界入三關鎖鑰重

陪京王氣自長鍾粉榆父老瞻

粵蓋椎結舊王識

聖容幽館瓜瓠猶歸落岐原茶堊亦蔥龍十季望

幸今方慰聯轡駢肩迓

六龍

右四

鉤陳七萃到

琬丘雉尾中開樹綵旂穆若

皇情深滌慮肅雍顯相仰

貽謀愴悽自有焄蒿感來許宜無

世德求

神保晷皇期

奏假

君王邇孝繼

并猷

右五

神山敗運象崔嵬

寶鼎仙榆億載培

閼館蕭煙疑秬鬯

鎬壇金版列彝器千秋

帝業戎衣定萬禩

乾符至道該五題調宣

芝檢受寧誇赤雁竹宮來

右六

巖巖

天柱霸祥暉元氣鴻濛露翠微草昧

經綸符

昊緯

橋山

劍舄動獻歆高原象鳥循環守

饗殿樵蒸上下飛

敬撫

弓衣深寶愛

穀林瞻拜意依依

右七

隆業山高

隨路平

昭陵瑞靄拱

興京黃旗西指

神功赫紫蓋東輝

奎烈成終古渾河縈玉帶至今石馬臥

松楸

鼎湖雲去誠

追慕彷彿島號靜有聲

右八

岌嶺巫閭北鎮尊祠官縣廢禮堪援珣珙珍重輸

天府風雨和調禽

聖恩開國宗臣多茂績司勳竹帛有公論

皇心軫念椒觴奠定識孤忠感九原

右九

行殿瓊筵列八珍鈞天廣樂侑嘉賓水衡

盼出山爲湓

法酒傳來物自春呦鹿苹蒿

恩共溥

君宗匏豕

德維均呼嵩兢上

延洪壽況是南陽意倍親

右十

丹鳳銜書自九霄宸瀛來舞

湛恩邀雞竿卓立迎黃氣鳩杖棲遲酌玉瓢  
黷舍生從爭被濯

茅欄婦子樂豐饒

皇仁稠疊繁禧集旬始潛光玉燭調

右十一

方神稱

蹕遞鞭鞘

金鞍雷旋曳

翠旂告

廟由來揚

祖烈升封定自陋隨巢

運承

景鏢三靈貺

天璽昭等

一德交

端拱坐裳熙

帝載萬年有道拜

彤墀

右十

秋雨新霽偕何梅生

承先

庶常自橫街步至黑窖廠遂登

陶然亭小飲聯句

飄厲起西風

介生

荒臺蕪草中

梅生

登臨窮遠目

介生

噫嚅盡愁閑

梅生

積水活師矐

介生

回波悉黜紳

介生

林苑窺雉堞

介生

路細繞龍宮

梅生

艸際

蠶張網塘邊

介生

烏濯翁英眸

介生

凝寸碧

介生

殘醉蕩微紅

介生

信步緣牢角

舉裳撥密蒙

梅生

招提切霄溼

介生

浩劫陵鴻濛

梅生

詎有影纓戀

介生

眞教障翳空

梅生

金繩塗早覺

介生

米汁興還濃

梅生

縹氣落危檻

介生

煙囂淺渾商

介生

聽來四壁

介生

皓影豁雙瞳

梅生

萬古夕陽在

介生

三生

幻夢同生

梅生

劍心秋欲怒

介生

詩陣急偏工

梅生

恣韻雲垂藻

介生

狂歌

葉脫桐生

梅生

香螺趣歡伯

介生

身匿拔癭童

介生

飛鏡搖虛幌

介生

然鐙綴玉

蟲危言勦漆吏

梅生

水調揭坡公

介生

天外美人隔

介生

夷情寄壑鴻

介生

聞階步月

循階來往破蘚痕花影諦亂到牆根螢火飛飛明仍暗蛩蟲唧唧  
亦喧侵裳涼露不覺溼戀月疏星未能捫所恨美人隔千里  
天涯作客欲斷魂

枕上望月

斜月照匡牀清輝潑水涼有誰來款戶此地是侬鄉攬手那能  
捉回頭恰覺當今宵真寐真寐千里共相望

偶作

力則任鄙智則樗里終遭蹇阨不綏福履子雲筆札君卿喉舌  
亦逢困窮曷若巖穴嗟乎楚國二龔何不如杜陵蔣翁商山四

能何不如淮陽二老君子既鴻冥則宜潛心黃庭營營乎欲勦  
塞宇宙吾恐謝吐水之瓶

病馬

伏櫪尚悲吟秋風病骨侵關山勞爾力圖回戚吾心顧影毛憐  
短聞聲口恨瘖當幸求不易臺上置黃金

雜詩

鳳皇不可煮芝蘭不可燒鳳皇豈無肉畱之聽簫韶芝蘭豈無  
煙植之香屋寮一切拉雜用未免惹姍嘲我願大羅氏張網取  
鴟梟我願采薪子縱斧尋蕪收

三苗堯之蠹二叔桀之蜂不守黃茨厓不依樾蔭叢斗然尋干

戈豈曰孝弄忠洞庭何廣廣沫土何隆隆來胡遲舞羽服又後  
鱣種不如蜂弄蠍斂刺戲春風

老子嘗有言忠信禮之薄黠者師其意食彊而用弱樓護負呂  
寬爰絲賣鼃錯得意自揚揚機深旣亦虐功名本浮雲富貴實  
淪穽莫如守澹澹竹素心可託

賤得竹

爲問植欒竹誰家節最高陵雲天有帚篩月地無毛氣象蕭疏  
甚冰霜澹泊遭汗青何日就且把釣絲操

弄題

三徑迢迢別夢殘疏窗掖耳聽平安慈姥山高簫響迴將軍田

廢水雲寒春深日暝抽連理秋老風清瘦合歡共道此君矜直  
節饒中原有碧琅玕

食栗

侯栗關中好燕山土亦宜東門瓜並種朔野柿同滋霜顆秋林  
落玉盤冬夜貽煖來紛問價爆處欲奔狸較量枚盈斗烝嘗味  
薦祠游曾懷集雒煨乃誤嚼鴟駭覺房齏也嘉思手撰之清香  
聞繡幙黃色映金卮罇發驚高鳥皴開嚇老婢哀梨原自悞昏  
棗不須持盧橘津多漸蒂柑味或漓何如雞卵大儼似鳳冠奇  
甜未踰崖蜜甘眞賽蔗飴嚼生仍嚼熟宜飽又宜飢鹽破防燒  
後廳穿看擲時盈拳爭欲撾綴鼻漫生嗤獻憶曹都尉譚供杜

伯夷赤心蕭子報三事沈侯知杼臚逢狙怒蝟叢動虎疑更深  
餘短燭坐久望旃櫺觀書聊咀味慨念李和兒

祝東淶園 郎中五十

潏潏太嶠雲齋齋清洛水蓮船迎叔卿絳轡侑關喜鬱狩黍蒼  
精滄蠟蘊白理靈奇之所蟠吾友於斯里世胄延平原淳風傳  
不訾蜚聲溢贊宮翔實湊輪軹茂學柳成編劭功膏繼晷卓聞  
羣雅欽博綜三餘彙體兒何觥觥姓恣亦耳耳先心尅孔壇妙  
藝提周髀欸笑碧雞譚微噍丹粟旨久合詠霓裳終然賸葛藟  
跨之曠蹏麟腰以暴腮鯉柏馬戒門從經畚授壤子竈觚知熟  
聽寸木亦能揣璧采嬰垣如蘭芬篤耨似鷗寧棘林棲鯢豈涸

池徙可卜鐘諧錚斯能車合軌明仁意首公寡惠交殊市指粟  
濟周郎置田施范氏鄰無轅釜怨術有浸薪恥正誼銷歔歔莊  
懷化蹶咎自然豁塵封詎復逐波詭譎德少柴虎高情符尺咫  
豚魚格牖臆鷗鳥集肱跂菌首發清吹藁曹技譚鄙是由識淹  
通遂爾譽隆起

螭陞重廉方

龍章褒姓氏賢科比句臚光

寵逮先祀規步依莊道繩趨叶吉祉俄登白雲司儼在青霄止  
東矢敢侑張聽槐無骸軌案刑明析絲按法平持厖脊密渙于  
公威嚴鄭子美聯鑣阮舛嵇飛蓋許兼史好客暢稔期藏身去

秦侈俗塵掃粃糠器宇貞栴梓亢辰星軒軒聲風樹薤薤衮師  
奉博山人客叢鳥几薦盃香吹芙蓉鏗光豔苾鳥銜雖老蘋花  
迸長生藥曼倩遺朱桃韓終上紺李杯浮畢勒醪盤列彭鏗雉  
所易圖爲陳知非倅乃使由來能子良定自有兒齒伊魯聯鸞  
耐相期比角弭同聲拂澤閒投契簪英始仙露滴瓊筵涼飈拂  
玉履爰徵絳樹歌共獻青琴技麋壽今虔旃敬書陟釐紙

養素堂詩集卷七

老威張對介集

南征并集上 乙丑丙寅

尤邨驛渡河大風

曉日渡黃河埃風卷白波  
艣聲驚退鷁帆影觸潛鼉  
岸側天容轉沙飛客淚多  
滔滔竟如此北顧奈愁何

葉縣李西巖 賓 明府畱飲署齋

朔風吹透敝羊裘豈學盧敖物外游  
我馬虺隤思返駕方城保障有賢侯  
傾尊玉屑更三滴回首京華月一周  
信是關山銷壯志焉閒猶自嚮吳鉤

自葉縣訪賞許齋 錯 同年於寶豐艣塗有作卻寄

庭外有縣魚清風化比箇白蓮銷劫火

嘉慶三四率開教匪竄跡滋擾近俱廓清矣

紅葉滿階除不少鷹鷂志寧將傳舍居況君學道者但願一心

虛

詢諸士民咸佩侯之廉介然微議其任性故不以頌而以規

我豈遺浮世投簪爲折翳風塵雙寶劍江海一詩瓢殘夢蓬瀛

月宦蹤庚戌橋

在黔之黃平州東

白雲深悵望早計理艤輶

寄王方山

正常觀察

十萬沙蟲門上庸誰歟保障古糜封我公健者鳴聲數此日房

陵靜鏑鋒百戰功名鐫赤壁

即縣紅巖一名赤壁

一編圖籍伴青筇

先生守郎

日籍有郎陽郡志

德容自是西京彥何幸鯁生逆旅逢

帝簡殊勲建赤樞襄陽駐節控蠻陬將軍老庫真能貯名士池

亭未足游錫穴山川存政績銅鞮花月著陰眸  
佗年峴首留高  
陽者舊懷思遠水流

舟泊沙洋

草舍依青竹楓林枕白沙  
邨煙籠岸遠江月印窗斜  
收網漁師下吹蘆客子誇  
振衣聊散步驚起樹棲鴉

日莫江行

野色冥濛落鵝波江風寥  
廓送漁歌美人空恨遙天  
隔孤鶴橫來画艇過宋  
魚龍伏泉室霏微煙霧接  
星河踞舠欲擲桓伊  
篴無那情懷逝水多

寒江夜泊

萬里寒江莫孤舟野岸橫遙邨鐙火暗宿雁汀洲鳴幾度觚棱  
夢一天星斗明余懷何渺渺薦酒有霜橙

大雪登黃鶴樓望江

我昆瓊樓玉宇人豈風一夕墮緇塵偶尋黃鶴來荆楚且待青  
牛返雍秦世界茫茫同落絮浪花滾滾自翻銀眼中空有雲來  
往佯瞠何勞七尺身

一笑天公玉戲臺葛三滕六舞翔光無短篷吹阿濫但見長  
江送怒濤自古英雄都逝水而今詞客尚征袍憑欄欲跨蠱雕  
翮五鳳樓并嶽嶽高

庚申夏曾登五鳳樓  
望嶽屈指已六季矣

效王仲宣七哀詩體寄岳一山

震川舍人

長安信可樂胡爲嫁荆蠻委講詩書史宿心償良艱又無周才  
蓄安能啗貧鰥扁舟橫鄂渚眇眇涕欲潸豈無獨醒人靈均去  
不還偕問何沈淪好修攬羣姦女嬰不見察漁父不爲然竟舜  
示耿介適足增痼瘕踰彼絜樞者仁義置弗貪我欲從王喬餐  
氣腕玉顏

長沙多惡鳥洞庭多悲風鴛言舍此去無爲久鞠窮榜人遲發  
權積陽棲高峯層陰暖崎岸哀猿叫荒叢驚波忽傾楫深恐飽  
蛟龍曾遭瀧吏訶今曠津娟容陵緬一長吁使我心如春皋禽  
自南來矍戾響遠空寄言博譽子歲莫明德崇

制府來

菊籛先生節制兩湖南三月政修民和適以事被逮黎  
庶佗詩歌頌述勤績余來耑昌見所刊清官冊病其冗  
俗爲佗謠七章庶幾傳之可久也

制府來政首公雷虢虢數逢驛突入戰毛摯捲蓬嗟爾綠林  
豪自詡健援綠片紙下江皋江關難逃乃有虎頭力士誅爾曹  
制府來撫抗民民之蠹在無情詞閃榆熒乃聽官閭紅燭燒達  
旦羸屨何必無餽斷辟歷飛出法等手縱有神姦難翻案

制府來白骨肉蒲潭舟子心撲菽泉室之人瞑厥目豈必冤魂  
鄧亭哭方有鏡縣詎使盆覆從茲長沙不聞恠鵬

制府來禽鍊師雲窗霧閣嶢首蛾眉黑鎖頸繫紅巾淚滋雖有

青島不寄相思嗟爾粵山女徒望鵲鶴不如受姑惡胡爲聽仙  
經召來謠詠

制府來民有衣管也鵲蓑今也織皮爲減璽斷利不翅雲絲施  
洞庭誠多悲風嚴寒乃無號者哀此幾獨誰令富胥逢人解實  
爲巨

制府來靖三湘蛾賊窟在沔陽何物么麼自號金剛符檄下莊  
躑怕不見丸飛但聞羽化夢澤鳥菟不噬人鄂州黃鶴但驂駕  
制府來泉布通陽文陰縵無敢鈴銅嗽蝟之血塗來紅何嚮者  
赤仄乃弄榆莢同憶簪篸時盜鑄造洛陽書生諫語好我欲十  
萬作蜀纏不遇沈郎遇王老

過赤壁

信是阿瞞意氣遒  
旌旗獵獵下黃州  
如何一夜東風急  
不見千軍戰艦留  
誰恨霸圖銷炬火  
空餘斷岸倚江洲  
我來亦有吹簫興  
月色蒼茫鶴掠舟

安慶謁余忠宣公祠次練忠烈韻弔之

艱難百戰捥淮揚  
事去中原折步光  
落日孤城殘壘在  
青山碧血返魂香  
誰將國史畱危素  
欲把金戈假魯陽  
我畏先生桑梓客  
幽國世籍武威  
因父宦寄廬州臨風瞻拜一酬漿

安慶旅舍寄懷梁二秋澗

鍾英明府  
時運楚歸  
駐漢口

皖城落日霞明外  
蘆上春風柳弱初  
笑我難隨蓬島鶴  
知君不

食在昌魚回思握手嘉平月又隔鄧籤尺素書鑿齒近來能健

步

秋淵素  
病臣

江干攜杖旅懷舒

自皖口赴廬州抵蓮花潭值祀竈聞爆竹聲歛起鄉思

皖公山上碧雲飛細雨廉纖溼客衣安得蓬山莽眇島衙書送到故園扉

尚隔廬州二日程巖風撲面溯南征蓮潭月上波光靜掠水魚鴈喟喟鳴

爆竹聲喧鬧紫姑兒童笑我貌清臞揮鞭渴問青檀道不見黃公賣酒壚

過舒城縣

匹馬過舒州江山足壯游寒雲迷雒尾斜日隱龍頭白棹炊煙  
合青檀戰壘畱韃絲指荒浦往事問羹侯

廬州道中

地入九江蟬稻滋蜀山環抱掘淮陞堅鐔壁壘埋煙草立馬斜  
陽讀斷碑

漢京循吏首文翁石室衣冠想古風我欲椒觴酬故冢樵夫牧  
豎路西東

唐后魑雲籠遠岫遶迢落日見荒城一肩行李雙屨劍獨向蒼  
茫弔仲卿

樓船簫鼓事成空肥水煙波浩淼中北顧濡須餘霸氣仲謀兒

子果英雄

巢湖春水勢滎回未得扁舟泛酒杯小雨囊皋原上望

脚躡山

即左傳所謂坻箕山也

杖策荒原踏輭塵短牆缺處憶牛臣可憐不見梁韋虎呂姥蕭

娘尚有人

廬州春日

丙寅

天柱峯高倚八公春雲裊裊雨濛濛風和亞父清泉動草綠周

郎舊宅空教鴛鴦臺并嘶牧馬藏舟浦側集鸕鴻獨憐未蠟登山

展且向香花問梵宮

香花墩在廬州城外四面皆水

謁包孝肅公祠

廟貌舊山阿中丞像撫摩

內藏公遺像嗣孫出示得瞻拜焉

清風絕請謁直道

去煩苛孝養情誠篤精鋼志不磨三司置和市一笑比黃河黠吏脊頰杖權臣手敢抄雄州門有籥神水館無魔牛舌察姦獫鹿皮彈側頗谿田疑永叔關節戒閭羅壁石家畱訓囊金客未訛依耕栽馬牧改姓得龍珂慶厯眞君子文章亦巨波香花墩畔路瞻拜意如何

全椒道上和韋左司寄全椒山中道士元韻

活雲吐靈巖中有跨鶴客我欲扳霞裳春泥滑苔石撐子荷薪  
趨遠煙澹將夕清梵出疏林佇聽深馬跡

爲李蘭翹

會庚

顯洛神画

五季賦禮法波沿魏黃初子桓醉宮嬌尚在梁閣居植也踵其  
弊笙歌沸隧廬逸志夢甄氏荒情賸修裾可憐八斗才未讀國  
風書洛妃烏容假達者悟子虛

全椒汪孝廉

寶

以和高青丘梅花詩見示索和秃筆次之

游蹤曾到雨花臺庾嶺孤芳手自栽影入瑯欄涼月上香融殘  
雪早春來偶聞画角催清漏幾度巡欄踏翠苔不見揚州何水  
部橫斜兀自犯寒開

玉骨冰肌蘭苑仙人閒早已斷塵緣淒清小閣邀明月杳莫空  
山冨碧煙翠羽啁啾高樹外谿流汨瑟斷橋岸誰將隴上芳音  
贈又是江南杏雨天

幾枝鄧尉碧峯頭四面晴嵐薄霧收  
聊策蹇驢尋綺襪旋招孤鶴泛扁舟  
香魂繚繞雲爲夢冷露飄飄月寫愁  
不盡流連嗟賞地黃昏獨步憶芳游

偶訪佳人破薜痕夜寒定倩玉爲溫  
輕煙裊裊籠茅屋細雨蕭蕭隱竹邨  
淡欲無言難索笑清能有骨亦銷魂  
擬將紙帳畱疏影不使僧敲月下門

清閨元都白石宮宮并犬吠碧雲通  
瑤姬舉袂雙鸞舞玉笛飛聲萬籟空  
自有風回靈苑外羌無蝶戀繡簾中  
此生修到非容易試問羅浮第幾叢

惆悵霞粧裏拂塵相逢猶是夢中人  
香飄月地疑無色暝入雲

階總昰春漠漠蘭情流水咽迢迢驛騎寄書頻故園偶憶開花  
未欲著芭屨上玉眞

天寒翠幄欲何依修竹林邊對落暉歲莫愁多霜鬢亂魂清嬾  
向玉階飛閨苑仙子情猶泥絕代佳人態自稀相見花時原有  
約春風緩緩踏花歸

絕豔丰姿到豔陽知音何處覓檀鄉玉鱗未未憐春晚雪魄盈  
盈入夢香相國心腸原可諒醉翁臺榭未全荒銅瓶偕得寒泉  
汲折取高枝似帶霜

岸幘尋芳醉不知滿身疏影印斜枝花開花落眞何限江北江  
南有所思歌曲蒼涼殘永夜容光消瘦異當時衰裏玉照堂堊

月一段幽香伴賸詩

至揚州謁阮芸臺

元

撫軍師

時先生丁憂在家

豈尋察戰到揚州爲謁維摩上選樓

師築文選樓於所居

漢代画图縣四

壁蜀岡泉水淪三甌敢言經術宗先鄭亦愧文章遜大劉冉冉

牽縵將四十切雲冠傲尚雲游

南方學者未能先

師寄船經堂制軍信曰張子介族經學文詞南方之學者未能或之先也

愧負師

言亦赧然日月何分微顯看鳳麟遮莫譯書傳安子果敢曾相

信胡廣中庸未是賢自問年來腸似雪羊頭馬脯詎輕縣

揚州雜詠

春水方生鰕鰲羅夕陽照處引船歌人家兩岸鞦韆響始信揚

州銅器多

見樂府  
乾那歌

二分明月屬揚州  
廿四橋邊泛客舟  
驚起鷓鴣飛不下  
澹煙人影碧波流

碧波曲折度紅橋  
画舸中流撇玉簫  
吹出江南楊柳曲  
不知春色爲誰饒

已是豔陽二月天  
楊花如雪水如煙  
隔谿繫有漁舟子  
人伴沙鷗自在眠

園林到處露香霏  
策杖來游叩碧扉  
芳樹黃鸝啼不住  
落花紅雨溼征衣

王郎舊日寄萍蹤  
慚愧闍黎飯後鐘  
我亦木蘭寺埽過  
新詩可

有碧紗籠

伊婁隸外水滢回說甚齊公捍禦災閒向崑崙岡上望波連吳  
淠釣魚臺

未入焦湖柏枕祠廣陵市上覓紅蕤羌無十萬罽纏貫空負胡  
人鴉眼兒

歎息陳生草檄才可憐吉利未生猜後來選舉精曹憲定服維  
摩善取裁

側側春風怯曉寒美人遙在畫樓端倚虹圍裏桃花片燕子銜  
飛落碧欄

無雙亭沒草蕃蕪爲問瓊花近有無會罷萬民同一笑歐公信

昆遜髯蘇

獨上隨隄踏細埃兩行煙柳幾時栽  
長條踈地不須折待到烏樓看月來

邗上青山都入画筍鞦桐帽一登臨  
蒲帆無數眞州去幾縷白雲罨茂林

蜀岡細草綠如茵燕子飛飛掠麴塵  
多少踏青鴉鬢女回頭笑指路旁人

六代斜陽感客情青樓無那管絃聲  
醉來亦有詠懷佗一笑江東阮步兵

玉鈎斜

銅輦銷沈悵鴉霞斷魂歸粉夢長賒寶帳虛延二分月迷樓空  
鎖六宮花風弄綠柳低眉潁苑外紅牆隔錦沙我來重問雷塘  
路隄上裊裊聽暮鴉

隨宮舊蹟

隄柳垂絲綠塘鴉集羽哀迷樓暉夕照腐草積燒灰但見荒墳  
刺誰知殿腳陪乾符當大業寰宇正疆恢汴汴珍奇運邗溝錢  
鋪開龍舟牽錦纜鳳艚載香輿綺觀珠簾晃菱潭菡萏栽杏娘  
拆羅字水調侑金龜銅輦仙鸞舞瑤廂翠帳煨重游馳冶志營  
造費工材王義輪心計何稠騁巧才金屏隱紈扇寶袂繫玫瑰  
好病疑侵骨新粧問落梅宜等方讌樂懷靜欲喧庭芳夢瓊花

歇愁心夜月催太原聲數震薩水桔櫟摧波舩鯉魚變陰濃燕  
子來采箋成往事粉黛化寒埃彷彿聞殘曲依稀醉淺杯紅梁  
徙覓怨玉李竟榮胎瓜步沈王氣燕城沒草萊斷碑臥螢苑小  
雀下雞臺古墓雷塘時頑雲蜀燼回江都空唱好北客此衰衰

江都謁董太傅祠

往歲曾經下馬陵荒墳石碣埋青塋今幸偶剡刊溝楫古廟茅  
櫺挂紫藤憶晉天人三策試乃爲收豕公孫忌曲學阿世易梯  
榮孰知明道身正誼一朝謫出傳江都心縣魏闕無時無賈生  
尚有宣室召君胡爲者老蓬廬平津東閣安在哉公侯亦復同  
蒿萊愧我不知春秋五行義枉讀清明竹林弄玉杯

月夜泊京口望北固山

東下江流涌急湍，客心棲在筆峯端。  
海門樹色連瓜步，蕭寺鐘聲出翠巒。  
今古浮雲都已盡，齊梁荒壘可頻看。  
深宵又刺扁舟去，未莫潮生星斗寒。

偕師芭堂

承祖

明府游惠山

同訪春申宅，歷山擎小艇。  
知君有清興，爲我煮雲花。  
別鶴吳田渺，游鱗貢水斜。  
三春在揚子，蜀井尚煎茶。

蜀井在平山堂

顯姚文谿

庭訓

同季浮查觀日圖

太嶠削出青芙蓉，憶我庚歲登蒼龍。  
五更披衣觀海日，日色直射西南峯。  
金銀宮闕儼可卽，天雞叫徹仙坪松。  
別來修辛已七

載夢襄海市蜃樓重姚侯之志信無涯煙波萬里泛靈查高浪  
鵝天陵島嶼問訊海斑幾時花毗羅掉尾爭鶴舞下瞰無底鮫  
人家須臾銅鈺涌貝闕龍女奉出光明霞此時擬欲到祖洲雲  
霧蒼茫不可求且醉蒲桃吸瀝氣那知天地同蜉蝣火珠祕經  
太乙授讀之反覆升丹丘我今傲君早離宦海苦又得一上靈  
隱縹緲之飛樓

中渚望月

泣露滿橫塘清風送晚涼不逢王彥伯誰奏楚明光

姑蘇雜感

偶向屨廊過雌堂迹尚畱何時燕窩火不見白門樓

誰擅林泉勝名園顧辟疆可憐王子敬徑入亦倉荒  
鶴市筇朝策楓橋艇夜拏毛公壇上月應照禹王書  
生公能說法我亦宰官身頑石頭知點豈徒蕤洞人

姑蘇懷古

虎氣飛騰定有無銷沈霸業闔黃墟包山雀簡欺尼父鄂渚蚪  
聲失湛盧未必夷光能覆園可憐紫玉竟完軀屬餽賜後多麋  
鹿又見新季紀赤烏

虎丘紀游

歌舞沸春愁琴川泛画舟長廊祠短簿白苧唱青樓島下蘇臺  
喚花隨粉水流頻將鶴市望韓重爾何修

游虎丘遇家船山

問陶

舟輦晚歸寓舍共酌

生公石上坐移時大笑魚鰲躍劍池路畔行人休見恠萊州太  
守自驗詩

歲星曾此作書師我亦來尋短簿祠忽漫相逢仍乞画獬孫驥  
子昇獨兒

騷來話舊各淒然如此頭銜共謫仙夜半鐘聲何處寺明朝好  
訪孝廉船

錢衍石孝廉來蘇尚未得見擬  
同訪之衍石係船山季姪也

自姑蘇買舟訪錢衍石於嘉興之梅里時嘉慶十一季二  
月二十九日也距別期八季矣嗚噓未已伸紙聯句得

六百字

不知造物有意無恢廓地里邈際隅陸壘水慄勞吾軀

張澍介

夫豈合老幃闔君肯來游心歡娛

錢儀吉衍

楓橋駕浪忝攜李夢

中敏惠儼睂須

介

八季設別馳輪島兩季佗吏顏何臞其無茅

櫺之膏腴

衍

歸來博得鬱林石口耕猶畧一腐儒出山小草胡

爲乎

介

亦稍補救民其蘇紛紛侏儒只飽死兀兀元叔宜飢驅

石銅鼓山高盤江紆一官拓落當衝塗險遠何以御板輿偶然

游蹤到吳趨鄉夢咎咎飛休屠不堪入耳鄰舟之茵于

介

爲客

亦不惡壯游幸告吾

衍

薊門葉落膏棧車風饕雪虐我馬瘡囊

無一錢路縣邈仙縣喜值王喬臯

時李西巖宰葉縣

贈我朱提一流光

溫篋粲井窺後乃得羊脾羣襄陽觀察尤好士

王方山觀察殷蜀之瀘州人

勤撥擻戒初夫蒲帆風飽疾於鳥十日得食老昌魚黃鸝已去  
仙翁杳登樓巒視大聲呼欲吸江瀼瀼到凡首足顛倒來神噓  
鸚鵡洲將弔處士輕舫又過柴桑居皖公山色忽落吾衿裏舍  
舟而陸辭天吳亞父泉上仲卿宅桐鄉尸祝奔舉巫文翁循化  
敢比規毛義奉檄同區區自管聖賢重行誼功名汎汎漚萍  
仲謀霸業今安在煙波浩淼空濡須劇愛揚州二分月玉鉤斜  
畔傾瓊觴中冷之泉惠山水亦偕師子煎皋盧閭門花鳥可憐  
春歌吹幼眇聽吳歛生公石上坐盤桓宰官說法諒不如平生  
山水性情性況有良友宣忘諸介秋涇橋西爲吾廬今夕何夕  
弄君俱古云秉燭如夢對茲之執手真不圖八年中事無可說

春粵海聚悲戶樞

衍

程門回首增歎

介

東南水國鮮旱枯乃

若多雨民田虞顛幸隔并愁刺膚今茲美麥雲爲鋪高歌掩戶

沉得子四海大樂有是夫尚聞島嶼跳荇相羊中庭看星斗

射殺天狼願爲弧燭光幢幢箭漏促酒氣拂拂肴核麕君今盤

桓可幾月

衍

可幾日耳旬難逾

介

既來不須與少安無躁弄君

明日游南湖明月游西湖

衍

同錢寶甫

昌齡

太史陳妙士

詩庭進士錢衍

儀吉

孝廉

游南湖登煙雨樓

四面波光一鏡方高樓卻在水中央隄花岸草爭春色暮雨朝  
煙惱客腸帆影招來飢燕雀棹歌驚起睡鸞鴦風濤底事南人

怕我獨居然笑倚檣

中流風起三人懼入艙中余立艙頭竊笑之

丙寅三月初一日謁錢漆林先師墓作

夫子竟不作  
畱人閒萬規  
小子仍無成  
負地下恩私  
儵忽夢十載  
求索者頌儀  
帝閭不可跼  
巫陽爾爲誰  
憶答甲寅歲  
關輔文衡司  
小子幸中僑  
蒙以遠到期  
齒錄雖弱稚  
聞訓心載惟  
乙卯上春官  
屋我斜街簷  
朝夕親架簾  
閱免敢自嬉  
得陪公卿座  
搢飾交英奇  
遂令人海裏  
賤子姓名知  
俗儒矜斧藻  
猥俗尚韋脂  
摩經弄厖節  
良誨稟吾師  
文章契

先皇校士又滇池  
拜命出都門  
涼秋露零時  
扳送蘆溝月  
惘惘如有遺  
五苓俗樸僊  
風雅弄扶持  
葉榆點蒼閒  
區囂一旦披何

圖蓬島鶴飛去珠樹枝

夫子沒後見夢於舊友祝懋裳示以詩內有偶來蓬島同聞鶴卻返雪驂等化

句見之丹旆萬里返不得奠椒卮忠厚理必報後學定蒙釐詎料

天不弔摧殘力無遺冢子儵怛化好述復相隨從存三嬰女瑩

幾靡所資我本倦游人飢驅到浙湄片帆指由拳循衿重嗟咨

故居經角里入門蒞盈墀蛛網罽鄴架守祀賴諸姬十八里橋

西隧躋傷平陂隻雞偕斗酒再拜一訓之苑風起宰木春日慘

不熙鳥聲爲宋響流水爲咽悲腸亦不能轉淚亦不能坐愴惻

眎宿草裒衷叩神祠願語賢阿咸

師姪儀吉孝廉并余偕至墓下

天道乃如斯

夙信仁有後今者反滋疑海嶠鄭侍御

鄭名士超爲師乙非禮闈所取士

直道

貌嶷嶷去華見京華執手涕漣而曰斯公明壽復奪伯道兒逸

文勤揔集庶以永典彝願各立修名毋爲彭宣嗤此言猶在耳  
彌復念皋比茫茫愧神明神明豈吾欺

西湖

西風吹我到西湖欲作煙波一釣徒鄉夢已飛秦嶺月驚心未  
忘洞庭艫謂癸亥歸塗事江山自管傳流寓人物於今幾白蘇莫笑乘  
船騎馬似猶能粹腳上浮圖

杭州弇錢衍石孝廉游西湖

過江君莫笑儋荒西子湖邊倚燕檣日落旌旗秦帝渡風沈簫  
鼓錢王鄉山川依舊雄於越草木隨時門錦糝我亦流連佳麗  
地南屏翠色落飛觴

孤山看梅

爲問林和靖梅花幾度開風塵萬里客對爾影裴裊

孤山弔林處士

先生樂冥靖吾亦愛幽尋  
竭來訪墓石長嘯禽空林  
鶴去亭猶在梅殘春已深  
終南避世客詎識此遐心

于忠肅公祠

萬古英雄恨我來哭墓門  
艱難回國步矛戟慘人言  
雨帝妖傳識屏風血灑冤  
憐忠從有詔白日泣中原

游靈隱寺

飛筇叩仁祠仄徑入深邃  
老樹蟠鬱蒼厓聽齧葉墜  
修篠抽新

篁青膚光潤膩臨谿磴淺流魚吻淪穽戲陟彼九里松晴杲林  
隙曬少焉窮透迤橋南出古寺鈿螺趺眞容琤顚鏘雁字膜拜  
羅眾生云求德暉被千聲萬聲呼佛厭應逃避梵唄儻證乘文  
達宜法嗣豈知般若臺南能得宗義繫予久塵鞅煩惱損慧智  
不令滑性眞馳光戒鼠二關士來相款精廬聊躡屐石壇風定  
旛茶香氣引鼻此心殊湛冥此境亦清闕散髮出山門靈峯當  
面值宛窪堆白雲征衫落空翠

游靈隱寺登冷泉亭小憩

偶向龍宮訪上才泉聲瀾瀾傍巖隈林閒響落鐘初動水上紋  
生風欲來天竺山分急雨失浙江潮送夕陽開夜航自有奚童

覓載得梨花是舊醅

吳山頂觀錢塘江

突起危峯歷雉垣振衣一嘯莫煙昏雲飛極浦連龜谷潮入遙  
天撼海門匹練誰能窺白馬修竿我欲釣金鯤蒙公犀手沿江  
立慨想錢王萬弩奔

贈德清戚瀾江 宗衡 秀才

鸛鵲喚芳春由拳駐已旬弄君爲玉倚此會有蘭因奉璫嗤犀  
首窺編說續身瀾江方輯錄廣韻中異姓名餘不谿上路佗日訪雲巾

贈錢衍石 儀吉 孝廉

瞻晉寮所覲崑崙守鄉曲側聞長離鳥矩州何歷錄五采充佩

纓厥皮有鹿蜀藻炳豈不耀見美駭庸俗曰余耳弁訓闇淡道  
乃卓委然蘊瑰石虹氣騰堯舜圓折藏蛟宮媚光浮溶淥斯理  
可卜疑焉知白弁辱諒非惡其文不拔始能雕鏤子實英才獨  
羅文史匡澤特慚高翔曾耳遜稱姪天衢任飛聲下謝人面濁  
我猶搶榆鳩欲笑有黃鵠鍛羽辭姑繇曳泥困活禱彈緱發悲  
晉中夜意瑱瑱慨想古之賢緣經以爲督德積基斯成憫除獨  
以慙午眾不可爲我甲亦當告進熟子所知得毋嗤柳噉茲別  
魂爲銷鑒我誤書燭

題邢佺山

澍

明府桓上草堂圖

鬱律西傾山臥龍峙其北花石點蒼峽封泥爛紫色石鶴破雲

深巖雞喔日稷古洞寒涓流珮玉韻清瑟桓水自南來行波濔  
莫測千尺亘鐵橋下瞰白龍室云有五仙夫練精於晷息此地  
誠誅茅何殊君子國邢侯吏越紐治行今第一家山縈清夢画  
倩營丘筆草堂面江開嵐岫青入闕佗時抽簪躋山靈是舊識  
扶筇步強臺白水鳴瀼滅長嘯會幽禽別風曠芻肌小園森育  
蟲閒亭馴澤特夕陽下釣緡縮項鰻供食況復擁百城丹鉛羅  
黻逸象緯窮甘公岳瀆核重律擘經宗服虔染翰邁趙壹俛仰  
此人閒樂也實無匹繫予耽靖冥誤爲塵纓飾臚來常苦飢不  
如鄉有秩東郊靈淵上一椽尚未必儻能卜德鄰斯夕讀簪述

庚浦

水淨沙明印遠天  
回航過處鷺安眠  
幾家茅舍回汀外  
無數寒鴉落照邊  
一抹何山擁金蓋  
七重舌理認青蓮  
誰將上若佳醅贈  
又釣銀鱗柳綫穿

留長興縣官署三日將返吳門錄別邢佺山

潯明府

縣羽叫芳春  
鴉岡偶踏塵  
逢君天下士  
數我眼中人  
觀象追甘

德

佺山著有十  
三經釋天

尋源說庫鈞

又著有兩  
漢希姓錄

詞流今代盛  
意折崑經

神

萬里隔愁暉  
飄飄願已違  
防身長劍在  
滿目斷雲飛  
字尚愁科斗  
冠仍異卻非  
擲杯聊一笑  
今夕又征衣

吳門晤閻雨田

登雲

明府

鄂縣人乙  
丑進士

壯歲投簪僅見君，搢黽仍理竹書文。  
螺杯篩入甘亭月，蠟屐穿過太乙雲。  
五柳先生琴在御，七松處士鶴成羣。  
江南父老歌遺愛，知是平生學道勤。

危鄰手編坐短篷，征帆一夜到鮮東。  
仙人梅福逃王鳳，高士梁鴻主伯通。  
我亦吹簫愁苧客，君能說劍笑猿公。  
楓橋月上鐘聲動，判襖潛然又雨風。

過無錫寄懷秦蓉莊

震鈞

夫子時觀察濟東秦菴

側耳廉風化沈青，欲驅下澤謁儀型。  
十年未執壺丘杖，一日難忘子玉銘。  
鄒魯士多依廣廈，句芒天弔錫遐齡。  
芳園寄暢林巒勝，獨有閒雲上碧亭。

寄暢園爲夫子別墅

誤落緇塵感逝年  
雲霄顧盼愧彭宣  
祥江佗吏屬頻折蓬觀校  
書夢已旋坂負鹽車  
思伯樂琴彈流水憶成連  
縣齋未報江河德又飲南山第二泉

謂惠山泉

舟泊菴進訪管緘若

世銘

夫子故宅

浩浩江中水  
油油山上雲  
水逝波相續  
雲歸岫相因  
儀儀我夫子  
學堅而多聞  
數典鄭夾漈  
敲詩鮑參軍  
制藝尤所嗜  
望谿翁  
遠巡京華羅俊彥  
講授戒毋紛  
儼直

禁苑艮披閱  
意欣欣及門多顯者

崔太守景儀恩侍郎普成總憲格皆問業者

夫子

竟歸人憶予  
初束贄矜許比陳辛

師屢評予文有陳同父辛稼軒之風

愧無青錢

筆何由鬱奇文  
譬諸卷上天終焉望  
緇羣況去鳳皇池祕書不

可親風塵損智慧奚以副循循痛哉容儀杳攢木叢荒墳所幸  
孫弇子世學守其真如水流不竭如雲出無垠精氣行天地始  
信文有神中庭空嘆息鄴架散香芸腐儒不臣爲清誨尚在紳  
地下儻不負飢驅又何云

登金山頂放歌同洪稚存

亮吉

弇輩作

我不能折翥五斗事督郵我不能著犢鼻褌酒壚頭復不能長  
垣牧豕大澤驅犝牛飢來聊爾爲遠游慚無十萬上揚州大江  
莽蒼一扁舟恁豚吹浪風颼颼須臾已到瓜步洲金山出水如  
泡漚挽衣荷笠而上不肯休開士止我少延留陽羨羅界煎咸  
甌謂崑中冷第一泉水清且瀏北顧京口雲煙稠不見縹緲吳

蓉樓海門奔濤萬馬適似聞神鐸嘯呦郭璞之墓不可求孤  
城何處尋劉繇陵亭荒壘赫山丘紛紛豎子弄戈矛擊鐵大笑  
揚清謳驚起波底朱鱗虬我思化理費冥接浮玉何爲在中流  
欲從崑崙學善泐尋出根柢鐫其由先生哂我太繆悠妙高臺  
上月出挂銀鉤送我下山忽起萬古之牢愁

爲韓明府履寵題画四首

雲生牡蠣墻樹暗滄江曲聽雨者何人孤篷蕩激綠  
風雨送扁舟空江影岸樹荒邨可逃名笑指終南路  
夢遶來風易檀欒映水宜夜郎我曾見雲母復誰知  
相識傳延季靈均曾作粲平生傲霜心對此閒把翫

金陵道上春莫

江花江草路茫茫欲送春歸幾斷腸  
江水不知春已去綠波空自繞回塘

楊花墮地起還飛燕子西來客未歸  
回首可憐桃葉渡哀絲繫竹愁斜暉

女兒十五住江頭解唱春陽不善愁  
蛺蝶雙飛聊一笑壚畔酌酒潤歌喉

繫馬垂楊大道邊游絲裊裊拂晴天  
鐘山依舊龍蟠臥大帝雄姿憶往年

朱意園

錄

太守主講松江余自秣陵買舟訪之值其赴蘇

仍促權來吳門

細雨冥濛江上帆浪花飛舞溼征衫先生琴瑟看蛛網客子泥塗待燕銜靈館龍舟空朱萸萼亭鶴唳等英咸思君不見朝飢愁欲倩雙鱗寄錦緘

琴來小艇向琴川纔到楓橋起暮煙朱仲有書能相具張衡無意賒歸田廬江奉檄爲親喜鹿洞橫經守道堅相見幾回仍判襍燕雲吳月總淒然

上海夜泊

滄瀆浪飛花孤篷寄水涯潮來低遠岸月上溼平沙漁火明遙澗汀鳧入淺葭輕煙凝不散夢裏幾回家

舟過太湖

離迷雲氣掩夫椒一碧湖波落晚潮  
欲覓包山靈寶笈輕舟卻有好風招

好風習習滿船窗翦取吳淞半幅江  
遠岸煙青雲抹綠卻忘人在木蘭艘

舟過太湖望莫釐峯

湖波萬頃匯吳淞何處毛萇祕異蹤  
七十二山青不斷白雲飛

出莫釐峯

包山龍威丈人名  
毛萇見洞庭山記

仙家北宅聞浮玉不見鴻裳駕鹿車  
棹去扁舟尋石記波閒跋

刺范蠡魚

池州烏沙夾舟中望月

碧月湧清瀾，烏山隱翠巒。風中羣鳥舞，水外眾星乾。淵客明珠出，石帆葩葉攢。所思今不見，回首望長干。

蘆江舟中高

顓卿

茂才示張愛廬所贈詩，卽用元韻貽之。

月夜秦淮泛画舟，笙絃沸耳興悠悠。乘風重問晴川樹，春去秣陵醉甌頭。

蘆皋仙子解連環，交甫情深綠水灣。我管樊桐窺小董，碧桃花

落又青山

時茂才就  
昏瀋陽

復用愛廬韻贈烏程張

通宗

茂才

江上愁心穢客舟，白雲天外去悠悠。幾回擁楫來瀧吏，送得斜

陽滿渡頭

屬牽百丈，禿環環曾到，蕭灘待月灣。今日爭君同擊汰，夢回不見伏龍山。